



# Պարույր Սևակ

## Խեղկատակը

-Որտե՞ղ են ապրում քամիները:

-Պալատների մեջ:

Եվ, անշո՛ւշտ, մեր իսկ ռունգներում:

-Որտե՞ղ է մեռնում լռությունը:

-Քարոզների մեջ:

Եվ բռնադատված մեր իսկ ունկերում:

-Որտե՞ղ է պահված արյունը մեր տաք:

-Մեր հին թշնամու եղունգների տակ,

Մկրատի՛ կարոտ կեռ եղունգներում:

-Որտե՞ղ են մեռնում բոլոր կուտքերը:

-Ծափ ու ծնծղայի ծանրության ներքո,

Նաև խունկերում:

-Իսկ գորանում է մեր խելքը որտե՞ղ:

-Ո՛չ գանգում,

Այլ մեր վերքերո՛ւմ:

-Իսկ որտե՞ղ է մեր փրկությունը:

-Մե՛ր,

Եվ, ավա՛ղ, ո՛չ մեր ձեռքերում...

25.X.1962թ.

Երևան